


## Perdana Menteri ajak umat Islam baca, hayati al-Quran

April 18, 2022 @ 9:46pm



Ismail Sabri mengajak umat Islam membaca dan menghayati al-Quran agar tergolong dalam kalangan insan yang bertakwa. - FB ISMAIL SABRI YAAKOB

KUALA LUMPUR: Datuk Seri Ismail Sabri Yaakob mengajak umat Islam membaca dan menghayati al-Quran agar tergolong dalam kalangan insan yang bertakwa.

Menerusi catatan di Facebook hari ini, Perdana Menteri berkata, Ramadan antara masa terbaik untuk umat Islam menghayati kandungan kitab suci itu dalam menjalani kehidupan sebagai hamba Allah SWT.

"Pada 17 Ramadhan, ayat pertama al-Quran diturunkan kepada Nabi Muhammad SAW di Gua Hira'. Alhamdulillah, Fasa Peralihan Ke Endemik kini juga membolehkan kita bersama-sama bertadarus di masjid," katanya.

Catatan Facebook itu turut memuatkan poster Salam Nuzul Al-Quran daripada Perdana Menteri.

Nuzul al-Quran merujuk kepada peristiwa turunnya ayat al-Quran pertama kepada Nabi Muhammad SAW pada malam Jumaat, 17 Ramadhan di Gua Hira, Makkah, iaitu tahun ke-41 daripada keputeraan baginda. - BERNAMA